

Ekonomia

Monedha: Euro

Buxheti: Për vitin **2023** buxheti i Kosovës ishte **3.2** miliardë euro, ndërsa buxheti i vitit **2024** është **3.3** miliard euro.

Lehtësirat në Import: Ekzistojnë lehtësira nga taksat doganore për të gjithë prodhuesit që importojnë vetë ose nëpërmjet kontraktorëve në disa fusha, siç janë: lënda e parë, e cila përdoret në prodhim, gjysmëfabrikat e përdorura në prodhim, makineritë e prodhimit, dhe pajisjet e teknologjisë së informacionit.




Tregtia e lirë: Që nga viti 2007 Kosova është pjesë e CEFTA-s, ndërsa në tetor të vitit 2015 ka nënshkruar Marrëveshjen e Stabilizim Asocimit (MSA) me Bashkimin Evropian (BE). Përmes kësaj marrëveshjeje, Kosova ofron qasje të lirë në tregun e BE-së dhe kosto të ulët të punës në krahasim me Evropën Qendrore dhe Lindore, por edhe në krahasim me vendet fqinje.

Mjedisi biznesor: Përparësitë e krijuara, siç janë sistemi i favorshëm i politikave fiskale, potencialet natyrore, regjistrimi i shpejtë dhe i lehtë i bizneseve, ligjet transparente mbi investimet e huaja, si dhe përparësi të tjera e bëjnë Kosovën një mjedis atraktiv dhe të favorshëm për investitorët e huaj.

Arsimi: Sistemi i arsimit të lartë në Kosovë po reformat në vazhdimësi duke i dhënë rëndësi të madhe cilësisë. Aktualisht Kosova ka gjashtë universitete shtetërore dhe disa universitete dhe kolegje private.

Mjedisi i biznesit në Komunën e Ferizajt

Sa i përket sipërfaqes, numrit të popullsisë, aktiviteteve ekonomike dhe kulturore, Ferizaj është një ndër qendrat kryesore në pjesën jugore të Kosovës. Ferizaj është vendi ku ofrohet një numër i madh i shërbimeve, gjegjësisht ku zhvillohen aktivitete të ndryshme biznesore, të cilat janë të lidhura jo vetëm me qytetin, por edhe me pjesët e tjera të rajonit. Këtu përfshihen:

-  Shërbimet publike dhe administrative (Universiteti, Spitali Rajonal, Gjykatat etj);
-  Aktivitetet ekonomike (aktivitete industriale dhe të shitjes me shumicë, bankat, aktivitete të tjera të bizneseve të vogla dhe të mesme);
-  Institucionet kulturore (muzeu, galeria); disa aktivitete dhe ekspozita rajonale (karnevali, festivale të ndryshme tradicionale etj.).



Komuna e Ferizajt

 038 200 460 76

 <https://ferizajbusiness.com/>

 info@ferizajbusiness.com






INFORMATOR PËR BIZNESET

Të dhënat për komunën e Ferizajt
Kryetar i Komunës: z. Agim Aliu

Karakteristikat gjeografike dhe mbi popullsinë:

Sipërfaqja e territorit **345 km²**, **109,345 banorë** (sipas regjistrimit të popullsisë në vitin 2024), lartësia mesatare mbidetare **500m**, kodi postal **70000**.

Komuna e Ferizajt ka një pozitë të favorshme gjeografike për çasje në tregje:

-  Autostradat: Arbën Xhaferi dhe Ibrahim Rugova
-  Afërsi me aeroportet e Prishtinës, Tiranë dhe Shkupit
-  Afërsi me portin e Durrësit dhe Selanikut
-  Qendrën e skijimit në Brezovicë, dhe
-  Malet e Sharrit etj.

Ekonomia

Monedha: Euro

Buxheti: Buxheti i Komunës së Ferizajt në vitin **2024** ishte **41,184,014 €**, ndërsa për vitin **2025** Buxheti i Komunës së Ferizajt është **46,013,006€**

Infrastruktura: Qyteti po vazhdon me ndërtimin e shkollave, kopshteve për fëmijë. Shërbimet publike janë përmirësuar ndjeshëm, të gjitha këto investime kanë ndikuar që qytetarët të ndihen më mirë në zonat ku jetojnë. Komuna ka investuar shumë në përmirësimin e infrastrukturës rrugore, duke ndikuar në përmirësimin e kushteve për transport rrugor të mallrave dhe njerëzve. Ndërtimi i rrugës

unazore (transitit) jashtë qytetit dhe përmirësimi i rrugëve që ndërlidhen me të. Mbulimi i pjesshëm i hekurudhës me mure mbrojtëse (brenda në qytet) dhe ndërtimi i disa nënkalimeve për qytetar dhe automjete me rrethrotullime në qytet ka lehtësuar qarkullimin e automjeteve në masë mjaft të madhe njëherit ka ulë edhe rrezikshmërinë e qytetarëve dhe aksidentete me fatalitet nga treni. Ndihmesë për transport është gjithashtu stacioni i trenit në qytet, i cili mundëson çasje në hekurudhën Mitrovicë – Shkup.

Arsimi: Aktualisht Komuna e Ferizajt ka **39 shkolla fillore të mesme të ulëta dhe 8 shkolla të mesme të larta**. Gjithashtu, në Ferizaj ndodhet Universiteti i Shkencave të Aplikuara, Kolegji AAB, UBT, Kolegji Universum, ku ofrohen programe të ndryshme studimore.

Lehtësirat për bizneset: Që nga viti 2019 të gjitha kategoritë e bizneseve të cilat operojnë në territorin e Komunës së Ferizajt janë të liruara nga taksat komunale. Të gjitha shërbimet dhe konsultimet për bizneset e Komunës së Ferizaj ofrohen në administratën komunale, gjegjësisht në qendrën e bizneseve.

Mundësitë e investimit: Komuna e Ferizajt çdo vit publikon listën e veçantë të pronave komunale që planifikohen për dhënie në shfrytëzim për vitet vijuese në një periudhë deri në 99 vjet. Qeverisja Komunale me të gjithë potencialin e saj është gjithnjë në shërbim të krijimit të kushteve më të mira për bizneset ekzistuese, si dhe investitorëve të interesuar në të ardhmen.










Mjedisi i biznesit në Kosovë

Kosova është vendi më i ri evropian, me një popullsi kryesisht të re, ku mosha mesatare është **34.82 vjeç**. Të rinjtë e arsimuar dhe edukuar në Kosovë dhe vende të ndryshme të botës, gjithnjë e më shumë po dëshmojnë aftësitë dhe kreativitetin e tyre në ndërmarrësi. Si të tillë, gjithashtu po arrijnë të përshtaten mjediseve të reja biznesore, kryesisht si shkak i ndryshimeve dinamike që po ndodhin në ekonominë digjitale.

Kosova ndodhet në qendër të Ballkanit dhe përmes transportit ajror, rrugor dhe hekurudhor ofron çasje të lehtë në tri portet detare:

-  Selaniku, Greqi: 329 km
-  Durrës, Shqipëri: 262 km
-  Tivar (Bar), Mali i Zi: 299 km

Zhvillimi i sektorit privat po bëhet faktorë kyç në ngritjen e ekonomisë. Për më tepër, Qeveria e Kosovës po zbaton një politikë fiskale të qëndrueshme dhe miqësore për bizneset. Ka një sërë sektorësh në Kosovë që ofrojnë mundësi të mira biznesi, ndër to janë:

-  Teknologjia e Informacionit dhe Komunikimit
-  Minierat dhe energjia
-  Turizmi
-  Përpunimi i ushqimit
-  Përpunimi i drurit
-  Industria e përpunimit të metaleve
-  Produktet me origjinë bimore
-  Industria e ndërtimit
-  Industria e tekstit etj.